

la lasta kongreso estis vera ~o; ~aj kantoj sonos Z. ~i (ntr). 1 Plene venki, brile sukcesi: ~i super iu Z, super ĉiuj malhelpoj. 2 Fieri pro venko, pro sukceso (Vd tno FRUE).

* **Triviala**. 1 Maldelikata, vulgaraĉa: homo ~a k malsobra; ~a spritaĵo B; ili neniam sin altigis super la ~aĵoj de maldelikata k kruda vivado; ~aj diskuldaĵoj pri mono; la simpla, lera, ~a, sed lamen tragedia, minaca, trudiĝema, ŝiranta krio: panon Z (Kp PROZA, SENPOEZIA). 2 (Ev.) Banala: ~a pasero; matoriginatu k ~a temo; ~aj ideoj; ~aj k ĉie renkontalaj esprimoj; kvankam ŝajne ~a, tio estas tre profundeŝenca observo.

* **Tro**. 1° Adv. signifanta «pli ol sufiĉe, ol necese, ol konvene, ol ĝustmezure»: ~ longa; ~ rapide; ~ ami ludon; ~ da pano; ~ grandaj kalkuloj kondukas al nuloj Z (kiu ~ alte svingas, nenion atingas Z); se sako ~ pleniĝas, ĝi baldaŭ disŝiriĝas Z; ~ da kniristoj kaĉon difeklas Z (tro multaj kunlaborantoj, malbona rezulto); ilia nombro estas ~ granda por ke ni povu ilin ĉiujn citi Z; la aero tie estas ~ peza, ke prudenta ekzistaĵo tie povu vivi Z; tiu sistemo postulas ~ grandan pripensadon por povi esti enkondukita en la ordinaran interkomunikaĵon Z; li rigardis la tutan mondon kiel farson ~ sensencan, por ke prudenta homo povu serioze pensi pri ĝi Z; la ideo estas ~ altiranta por ke la homoj tute rifuziĝus je ĝi Z; liaj instrukcioj estis ~ klaraj, ol ke mi erarus; la laboranta popolo estas ~ okupata per sia laboro, ol ke ĝi povus interesiĝi je tiuj demandoj.

II° Samsenca vortero: ~a. Estanta en pli ol sufiĉa kvanto aŭ grado; superanta la ĝustan mezuron: ~a laboro; ~a festeno estas veneno Z (Kp EKSCESA). ~e. Estante en ~a kvanto, superanta la ĝustan mezuron: mi trovis du librojn ~e en la kesto. ~aĵo. 1o superanta la ĝustan mezuron: ~aĵoj de tirano (Kp EKSCESO; Vd ELEFANTO).

III° Samsenca prefikso: trograndigi la aferon; tropezo (Kp SUPERPEZO); sen trograndigo oni povas diri, ke esp. estas almenaŭ 50 fojojn pli facilu, ol ĉia lingvo natura Z. Kp SUPER, PRETER, TRANS, PASI, LIMO, MEZURO. Vd SVINGI, DEZIRI, KAPTI, VENTRO, LEPORO, BONO, VESPERO.

trobadoro ♀. Sudfranca poeto de la mezepoko.

Trofeo. Armiloj, standardoj aŭ iaspecaj militakiraĵoj elmontrataj kiel signo de venko.

* **Trogo**. Granda longforma ujo, en kiu oni donas manĝaĵojn aŭ trinkaĵojn al bestoj.

trogldito. Prahomo loĝanta en kaverno; kavernulo.

trokeo Z (V). Versero konsistanta el unu longa aŭ akcentita k unu mallonga aŭ neakcentita silabo. Ekz: maro.

* **Trombo**. Kolonforma turniĝanta akvomaso levita el la maro fare de turnavento k rapide antaŭeniranta kun terura detrua forto. Kp CIKLONO, URAGANO, KIRLOVENTEGO.

Trombono. Granda kupra trumpeto kun du tuboj ŝovglitantaj unu en la alia por modifi la tonon.

* **Trompi** (tr). 1 (iu) Ruze k malice erarigi iun: ~i la aĉetanton B; ni ne lasu nin ~i per tiaj belaj promesoj; ~e (por ~i) kaŝi sian malamon Z; ~ita edzo (Kp KOKO, KOKRI). Kp PERFIDI, MISTIFIKI, FRIPONO. Vd POLVO. 2 (io) Kaŭzi eraron: ŝajno ~as Z. 3 Kaŭzi elreviĝon: ~i la esperojn B; esti ~ita en siaj esperoj Z. 4 Sukcese eviti: li ~is la atenton de Laban k rapide forkuris Z. ~a. ~anta: ĉarmeco estas ~a Z; ~a ŝajno, kvieto; ĝi estas ~a pano Z (ŝajna, ne efektiva bono). ~iĝi. 1 Esti ~ita. 2 (Ev.) Erari: 2: baldaŭ ni vidis, ke ni ~iĝis Z. ~iĝo. Elreviĝo, seniluziĝo.

* **Trono**. 1 Ceremonia alta seĝo de reĝo aŭ alia suvereno. 2 (f) La reĝa aŭ suverena povo (Kp KRONO). ~i (ntr). 1 Sidi sur ~o. 2 Esti reĝo aŭ suvereno. 3 (f. iu) Afekti imponan mienon de grava aŭtoritata persono: la markizo ĉiam k ĉie volis ~i B. 4 (f. io) Majeste alte starigi; impone montriĝi: kastelo fiere ~as sur la alta roko; la vulkano ~as en malantaŭaĵo; sur lia frunto ~as fiero.

Tropo ♀. Metaforo, stila figuro.

* **Tropiko**. Ĉiu el la du paraleloj, kiuj estas je la distanco de 23° 27' 27" de la ekvatoro. ~a. Rilata al la inter~a regiono: ~a varmego, klimato, vegetaĵo.